



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XIV. Colloquia Miltitij cum Lutherō, eorumque effecta.

urn:nbn:de:hbz:466:1-11642

1519.

vel ob sequacium numerum despici, vel ob acquisitam potentiam deiici, putauit lenitatis fomento posse molliri. Is ergo (vt mos est nouis ministris, ad peragendum negotium suffectis, infelicitate ab aliis administratum) maluit euentus improsperi accusare Caietani duritatem, quam negotij arduitatem. Quapropter rationem agendi prorsus oppositam inire statuit. Sed cum Cardinalis ex dignitate Sedis Apostolicæ se gessisset, Lutherumque cohibusset, ne quid in suo conspectu insolentius ageret; Miltitius ita se viter abiecit, vt demissè timideque cum eo collocutus, responsa ignominiosa Pontifici, sibi scripto redditia tolerauerit: insigni documento, cuicunque homini rem quamplam gerenti, æquam laudis vituperationisque mensuram non à solo euentus commodo incommodove petendam; sed etiam à maiori incommodo per suam solertiam euitato, vel à maiori commodo per suam inconsiderantiam haud acquisito.

C A P V T X I V.

Colloquia Miltitij cum Luthero, eorumque effecta.

Intensus itaque Miltitius Luthero sibi conciliando; impegit in arduam eius alloquendi difficultatem, cum hic audire refugeret, quem exaudire nolebat. Sed congressus tandem Ducis auctoritate impetratus. Colloquio initium fecit per verba præferentia estimationem nominis, plausumque, quem erga Lutheri doctrinam per Germaniam excepereat: usque adeò, vt (si credimus ipsius Martini commentario) illi affirmauerit, ab integro iam saeculo nullum negotium Ecclesie contigisse, quod maiores illi solicitudinem incussisset: quin etiam in itinere pro singulis Romæ fenantibus, ternos offendisse Lutheri studiosos. Ad hæc vel profusis lacrimis ipsum oravit, ne tam perniciosem Christiano generi tempestatem cieret. Præterea, siue placandi hominis gratiā, siue multandi Tetzelij eius æmuli noxas, forsitan à Caietano neglectas, tam acriter Tetzelium obiurgauit pro male gesto Questoris munere, vt ille miser ex ægritudine animi extinctus sit, prout refert Lutherus, qui gloriatur insuper, se humaniter illi per literas consolationem exhibuisse. Additque, si ab inicio huiusmodi ratione secum fuisse ætum, nequam futurum fuisse, vt tam graues turbæ excitantur: sed primam mali labem Septemuiro Moguntino adscribendam, cuius asperitas ipsius animum exulcerauerat. Quæ omnia magis magisque declarant, quam falsò Suavis Lutheri irruptionem Ponti-



HISTORIAE CONCILII TRIDENTINI Lib. I. Cap. 14. 53

Pontifici assignet, pecuniam ex Indulgentiis corrosam distrahenti. 1519.
 2 Summa postea rei transactæ hæc fuit. A Miltitio quinque re-
 rum capita scripto accepit Lutherus, vt ipse affirmat, harum turba-
 rum fontes: Populum fuisse seductum ad prauas de Indulgentiis
 opiniones: Eius seductionis auëtorem fuisse Martinum: Eadem da-
 tam ad id occasionem à Terzelio: Ab Archiepiscopo Magdebur-

Primo tomo
 Lutheri
 pag. 222.
 secundum
 impressio-
 nem cira-
 tam.

gensi (erat is Moguntinus Septemuir) ex lucri cupidine Terzelium
 impulsu fuisse: Terzelium fines iniuncti sibi muneris transgres-
 sum. Speravit hac ratione Miltitius fore vt Lutherus facilius de-
 glutiret amaritatem culpa in se coniectæ, dum eâ vituperationis dul-
 cedine suis æmulis inuita aspergebatur.

3 Lutherus vicissim scripto respondit: Culpam esse Pontificis,
 quippe qui non debuerat vel Moguntinum soluere Ecclesia legi-
 bus, ad tot Episcopatus gerendos; vel, ob priorum pro palliis ex-
 actionem, illum inducere ad pecuniam sibi conquirendam per ab-
 usus Quæstorum, quibus ipse Indulgentiarum promulgationem
 imposuerat: simplex verò Pontificis ingenium ab avaritia Floren-
 tinorum illi ministrantium circumduci. Tam impudentis senten-
 tia responsum scripto suscepit is qui personam Pontificis agebat à
 priuato fraterculo; quod sanè responsum reddere per tam apertum
 contemptum nemo summorum Principum ausus fuisset. Denuò
 tamen palam sit, ad hanc effrænatam obloquendi licentiam nihil
 omnino impulsu fuisse Lutherum, ex dictitate erogatione illius
 pecuniæ à Pontifice sorori facta, neque ab iis, quæ in hac re Suavis
 congerit ad Leonem prægrauandum.

4 Ceterà, cuique compertum est, an possit Germaniæ Principi-
 bus denegari, ne pluribus Ecclesiis admoueantur: quod quamvis
 postea interdictum fuerit à Concilio, haud tamen in ea regione ser-
 uari potuit. Tunc primùm quidem per legis Ecclesiastice solutio-
 nem duo ibi Archiepiscopatus Alberto concessi: * Datum hoc fue-
 rat non solum generis amplitudini, sed viri etiam praestantiæ, ab
 ipsis hæreticis, vt meminimus, supra ceteros qui tunc in Germania
 florebant, celebratæ, & à Trithemio Germano, eorum tempo-
 rum probato Scriptore, per plura admirabilis pietatis gesta com-
 mendatæ. Hinc porrò pro se quisque expendat, quam extorquen-
 dæ pecuniæ occasionem præbuerit Pontifex Moguntino, dum exi-
 geret ob indulcta, vti diximus, beneficia eos legitimos prouentus,
 quibus alimenta supremo Patriarchæ suppeditantur, quatenus ei-
 tra dominatum profanum consideratur: quos certè prouentus qui-
 cumque Princeps atque Magistratus exigunt extra omnem virtu-
 G 3 perationem,

* Vide Ciac-
 conum in
 Vita Leo-
 nis X. vbi
 agit de Al-
 berto ad
 Purpuram
 promoto
 ab codem
 Leone, &
 Vghellum
 in Appen-
 dice ad Ciac-
 conum.

1519. perationem, ex prærogatiis immunitatibusque collatis pro consuetis singularum Regionum statutis.

1519. Martii
in pri-
mo tomo
Lutheri.

Expresit tamen a Luthero Miltitius, ut cum aliqua obsequij specie literas ad Pontificem daret. Studuit in his antea facta à fē tamquam necessaria excusare: de integro silentium est pollicitus circa Indulgencias, dummodo aduersarij & quē filerent. Scripti præterea vulgationem obtulit, quo populos hortaretur ad purum Ecclesiæ Romanæ cultum, damnaretque suam nimiam acerbitudinem, & iacta vehementius contra suos æmulos maledicta; contra quos tamen, dum hanc ipsam pœnitentiam expromit, vtitur nouis atque aspermis maledictorum aculeis. Hæc etiam verba subdit: *Num etiam, Beatisime Pater, coram Deo, & omni creatura sua testor, me neque voluisse, neque hodie velle Ecclesiæ Romane, ac Beatitudinis tuae potestatemullo modo tangere, aut quacumque versutiâ demoliri; quin plenissimè confiteor, huius Ecclesiæ potestatem esse super omnia, nec ei præferendum quidquam sive in celo, sive in terra, præter unum Iesum Christum Dominum omnium.*

Hæc ille. Sed quod spectat ad oblatum silentium, quā poterat Lutherus tacere, quando per tot ora loquebatur, quorū aperiebat scriptioribus innumeris, ab eo Latinā lingua ac Germanicā disseminatis? Quā autem poterant eius aduersarij tacere, quando ipsius errores præcipua Fidei dogmata corruperant? Fieri hoc nequissit, nisi simul Theologiæ, adeoque Religionis euulsi linguis.

Alia igitur excogitata sunt: conatusque Miltitius est Lutherum adducere, vt suam causam in aliquo iudice reponeret; à qua nonnumquam se alienum professus fuerat. Conuenerunt de Archiepiscopo Septemiro Treuirensi, & de Confluentia, loco congressus. Sed cū res arctius virgeretur, Lutherus variis adductis Miltitio excusationibus per prolixam epistolam refūtiū; quarum multæ agnoscebant arte quæstæ, vel inani specie obtentæ: Se vitæ suis insidias formidare; æris inopiam ad iter conficiendum prætendere; in eadem vrbe commorari Legatum quicum agere recusabat, quod eum Christianum haud putaret. Aliæ honestiorem speciem præferebant: Nondum Romā peruenisse consensum, siveque delegationem cause Treuirensi Septemiro. Et re verâ delegationis huiusmodi tenuis dabatur spes, posteaquam causa à Legato de Latere fuerat abdicata; & Pontifex eō processerat, vt illam delegare haud amplius posset, nisi alicui supremo, sibiisque fidissimo ē suis ministris. Altera excusatio opportunè contigit Luthero; nempe Disputatio, ad quam ipse ab Eckio Lipsiam vocabatur.

Hic

8 Hic sèpiùs cum Lutherò Augustæ verba miscuerat, & partim studio Religionis, partim èmulatione præferuidus, nihil cupiebat ardentius, quàm suū specimen præbere in solemni disputatione cum èmulo. Præstabat Eckius indole, huiusmodi palestræ mirifice accommodatâ, promptus ingenio, memoriâ, facundiâ, vox ac gestus animi vim ardoremque spirabant; atque hæc omnia sedulâ exercitatione pro virili exacerbat. Quare huic inhiabat certamini eo animi æstu, quo milites pugnæ audi prælij signum efflagitant. Videbatur illi Orthodoxæ Fidei ignominia non ferenda, Marti-
num tam frequenti petulantia quemcumque sibi aduersantium prouocasse, vti secum in literario puluere doctrinæ periculum faceret, singulisque indictum certamen subterfugientibus, formidatum quasi Goliam, vniuerso Dei populo insultasse. Itaque au-
toritate priuatâ Eckius ad huiusmodi certamini Lutherum prouoca-
uit; quod alter per varias excusationes declinare studuit, vt qui aduersarij robur, suasque opiniones parum acceptas satis intelli-
gebat. Hinc tergiuersari, ne discrimen subiret, quo ad eam palio-
nidiam cogeretur, præ cuius horrore ne ipsa quidem tartara ex-
horrescebat. Sed ab urgente Eckio stimulatus, cum eo tandem conuenit, vti Lipsiæ congregenderentur, & vnde haud longè abe-
rant amborum domicilia, & vbi Dux Georgius à Saxonia Frede-
rici patruelis imperitabat.

9 Huic congressui obstitit Episcopus Marsburgensis, in cuius Diœcesi Lipia sita est. Nec certè sine causa: etenim, vt in locis vbi permisso Principum hæresis grassatur, hæ concertationes in-
credulis lucem assundunt; ita vbi Catholica Religio sola domina-
tur, sinceros fidelium animos importunis nebulis inuolunt, at-
que in controuersiam reuocant id quod pacifice possidebatur. Ni-
hilominus impetrarunt hi à Duce Georgio fidem publicam, &
campum certamini destinatum. Initum illud fuit in Aula præ-
grandi, adstante Principe, Senatu, & Academiâ. Delecti sunt Iu-
dices ad dirimendas, si quæ acciderent de forma disceptandi lites:
impressæ vtrimeque controuersiarum theses, & euulgatae per varia Germaniæ loca, finitimis ad spectaculum inuitatis. Conuenit præ-
tereâ inter eos, vti publici scribæ vtrimeque dicta aut gesta subinde prescriberent. Verum difficile planè fuit de arbitro concordare,
qui sententiam circa discussas quæstiones postmodum ferret. Lu-
therus quemcumque pro Iudice postulabat, ne quemquam habe-
ret. Aiebat, ad vniuersos mortales pertinere iudicium, hoc est ad
tribunal cuius colligendis calculis nulla vrna satijs capax. Vrgebat
Eckius,

1519. Eckius, vt aliquis peculiaris arbiter legeretur; nec villam Academiam, citra Wittembergensem, aliasque perpaucas, recusabat. Post varias altercationes, nominauit Lutherus Erfordiensem, & Parisiensem: in altera tamquam in altrice sua confidebat; in altera propter quasdam offensiones ab ea nuper Romæ suscepas. * in vtramque Eckius confensit.

C A P V T X V.

Summatim narratur disputatio Lipsiae habita inter Eckium & Carolostadium, priusquam Lutherus congrederetur.

* Vide de
hac disputa-
tione specia-
tim Co-leum
de actis Lu-
theri an-
no 1519. &
Bzouium
eodem an-
num. 21. vs-
que ad 30.
aque eius
acta legun-
tur impref-
ab hereticis
vnâ com va-
niss literis
& apolo-
gias.

LIpsiam cum magno comitatu Lutherus se contulit, ac præser-
tim cum Andrea Bondenstein, qui à patria sua Carolostadia,
Franconię oppido, Carolostadij sibi nomen fecit. Archidiaco-
nus, vt suprà indicatum est, Wittembergæ, & à quo Lauream Do-
ctoris in Theologia Martinus acceperat; hic, quippe doctrinis Lu-
theri addictissimus, voluit earum propugnationem in se recipere.

Cœpta igitur inter illum & Eckium disputatio die 29. Junij: ac
priùs quidem vterque contestatus est, se haud in animo habere, per
ea quæcumque dicturi essent, Ecclesiæ Catholicae sensis repugnare.
Fama huius literarij conflictus, quâ per ora, quâ per scripta homi-
num expectione admodum celebrata, mihi persuaderet, vt illius
principia delibanda lectoribus exponam; quantum tamen in me
erit, cùm prolixitate, tum austeritate vitatâ.

Primum quod Eckius impugnandum suscepit ex aduersarij the-
sibus, fuit: Nostrum liberum arbitrium in actibus bonis nihil ope-
rari; sed eos in se recipere tamquam potentiam merè patientem.
Sex ipsos dies super hoc articulo habita quæstio: ac primum Ec-
kius protulit locum Ecclesiastici, quo dicitur *Deus fecisse hominem,*
& eum reliquise in manu consilij sui; & subdit: *Si volueris mandata ser-
uare, conseruabunt te. Apposuit tibi aquam & ignem;* ad quod volueris
porridge manum tuam. *Ante hominem vita & mors, bonum & malum:*
quod placuerit ei, dabitur illi. Quæ verba quiduis aliud profecto-
fanant, quam acceptancem quamdam, omnis libertatis omnis
que efficientia vacua.

Fore sperauit Carolostadius, vt hoc telum declinaret, respon-
dendo, Ecclesiasticum loqui de homine in innocentia creato, non
verò de eodem, qualis in præsentia est post originarium peccatum.
Verumtamen repulsa ab Eckio responso: Tametsi verum sit, Di-
uinum

